

AKASHVANI AIZAWL
REGIONAL NEWS BULLETIN

HEADLINES :-

- 1. Kilometre 51 leh metre 38 a thui Sairang leh Bairabi inkar rel kawng chu Prime Minister Pu Narendra Modi-a'n vawiin hian Aizawl Lammual atangin a hawng ang.
- 2. Prime Minister Narendra Modi an Mizo mipuite zingah hun a hman a nghahhlelh thu sawiin vawiin hi hun hlu bik a ni a ti.
- 3. Prime Minister Narendra Modia chuan Gyan Bharatam Mission chu India hnam ziarang, thu leh hla leh ngaihtuahna puangchhuaktu pawimawh tak a ni a ti.
- 4. Nepal Chief Justice hlui Sushila Karki chu Nepal sawrkar lailawkah Prime Minister atan ruat a ni.

<><><>

SAIRANG-BAIRABI RAIL

Kilometre 51 leh metre 38 a thui Sairang leh Bairabi inkar rel kawng chu Prime Minister Pu Narendra Modi-a'n vawiin hian Aizawl Lammual atangin a hawng ang.

Relkawngin Mizoram a rawn chhun tur chungchanga kan corr report lo ngaithla ang.

VC

*Hun rei tak Mizo mipuiten nghakhlel taka an lo thlir chu vawiin hian a hlawhtling dawn ta...
Prime Minister Narendra Modi chuan vawiin hian Lammual atangin Sairang leh Bairabi inkar rel kawng chu a hawng dawn a, a vawi khat nan Mizoram chu railway map ah a chuang dawn a ni.*

Bairabi - Sairang rel kawng hian Mizoram tan kawng tinrengah hmasawwna a thlen dawn a, ramdang nena insumdawn tawwna kawngah Mizoram chu hmun pawimawh tak a ni tawh dawn a ni.

C. Lalhmunsangi / Akashvani News/ Aizawl

He rel kawngah hian Station pali: Hortoki, Kawnpui, Mualkhang, leh Sairang-Sihhmui Station awm tura ruahman niin, leiverh 32, lei lian 55 leh lei te deuh 89 a awm dawn a ni.

KM 51.38 km-a thui rel kawng ah hian leihnuai hmun 48 lai vern a ni a, Lei lian 55 lai dawh niin, Lei te deuh 87 lai dawh a ni bawk a, Lei pakhat chu Meter 114 laia sang a ni a, India rama Lei dawh sang pawl a tling pha a, in chhawng 30 a sang ang vel niin Qutub Minar aiin metre 42 -in a sang zawk a ni.

(PR)

<><><>

PM VISIT

Prime Minister Narendra Modi an Mizo mipuite zingah hun a hman a nghahhlelh thu sawiin vawiin hi hun hlu bik a ni a ti.

Prime Minister hian X kaltlangin he thu hi a sawi a, Bairabi-Sairang rel kawng a hawn tur chuan Mizoramah mellung pawimawh tak a phun dawn tih sawiin mipui tam tak eizawwna kawngah hmasawwna a thlen dawn tih a sawi.

Prime Minister hian rel kawng a hawn bakah hian Khelo India Multipurpose Indoor hall, Kawrthah-a Residential School leh Tlangnuam-a Eklavya Model Residential School lungphung a phum dawn a ni.

Aizawl-a cheng P C Lalbiakdika chuan Bairabi- Sairang railway line project hawn a ni tur chuan nasa takin thil man a tih tlawm a beisei tih a sawi a, Mizoram pawn tlawhpawhna kawngah pawh nasa takin awlsamna a siam ngei ang a ti.

Prime Minister hian Aizawl Lammuala hun a hman zawh hian Manipur-a Churachandpur leh Imphal a tlawh dawn a, hmasawwna lungphum hrang hrang a phum dawn a ni.

(CORR-Isaac)

PM VISIT SECURITY

Vawiina Prime Minister Pu Narendra Modi-a'n Aizawl Lammuala, Bairabi leh Sairang inkar rel kawng a hawn tur atan venhimna khauh tak kenkawh a ni dawn a, Aizawl Traffic thuneitute chuan Prime Minister chetvelna tibahlah lo turin Falkland atanga Sikulpuikawn inkara vei vak lo tur leh a pumpelph dan zawng turin mipuite a chah a ni.

Akashvani Aizawl zawhna chhangin Aizawl Traffic thuneitute chuan tukin hian zing dar 8 leh a chanve aia hmaah pawh kawng an block thei tih sawiin, mipui lirtheia vakte chu Prime Minister chetvelna tibahlah lo turin VVIP kalna tur kawng te pumpelph hram turin an chah tih a sawi.

Kawngpui dungah te hian zing dar 8 leh a chanve atanga dar 11 leh a chanve chhungin a tul dan angin lirthei che vel khuahkhirh leh tih danglam chang a awm dawn a, lirthei veivak ten harsatna an tawh loh nan leh hun an sen thlawn loh nan lo inhmakhua a, pumpelph dan kawng zawng turin an ngen bawh a ni.

UNION RAILWAYS MINISTER

Union Railways Minister Ashwini Vaishnaw an Bairabi-Sairang rel kawng a hawn thar turah naktuk atangin rel pawimawh tak tak 3- nitin Sairang atanga Guwahati thleng tlan tur Mizoram Express, Kolkata atanga Aizawl inkara tlan tur rel leh Sairang atanga Delhi thlenga tlan tur Rajdhani Express te tlan tan tir a ni dawn a ti a, Hei bakah hian bungraw phur rel chu Pathianni atang khian tlan tir tan a ni dawn tih a sawi a ni.

Bairabi-Sairang rel kawng vawiina Prime Minister Narendra Modi-an a hawn tur chhim ve tura lo kal, Pu Vaishnaw a chuan Mizoram in khawvel huap el pha inkalpawhna pawimawh tak a nei dawn a ti a, Akashvani Aizawl zawhna chhangin rel kawng siam hna chu a hautak hle tih sawiin, he rel kawng hawn tur hian Mizoram mipuite nun a thlakdanglam dawn a ni a ti a, kum 2014-a Prime Minister Narendra Modi-a'n thuneihna a chan hma kha chuan hmarchhak biala Railway project hnathawhna atan cheng vbc sang 2 chauh dan thin a ni a, Prime Minister Narendra Modi-a kaihhruai sorkar chuan a let 5 in a ti pung a ti.

Prime Minister Modi chuan Look East Policy ni thin chu Act East Policy ah thlakin, thu chauh ni lovin a takin hmarchhak bialah hmasawwna hna thawh a ni tawh a ti a, inkalpawhna atana pawimawh tak tak rel kawng, kawngpui, thlawhtheihna tum hmun bakah inbiakpawhna leh kawphetha te chu hmarchhak bialah chak takin a thawh chho mek tih a sawi bawh a ni.

I&B Minister ni bawh Pu Vaishnaw-a chuan Mizoram mawina hmu turin state pawn atangin awlsam takin a tlawh pawh theih tawh dawn a ti a, hei hian tualchhung mite sumdawwna leh hmasawwna a thlen dawn a, organic farming hnuaia loneimite tharchhuah thlai leh thei bakah pangpar thlengin thawnhhuah turin hmalak a ni ang a ti a ni. Relkawngin Mizoram a chhun takah hian hriselna dinhmun a tih hmasawn bakah zirna hmasawwna a thlen dawn a, Mizoram chu hmun hla tak anga thlir a ni tawh dawnlo tih sawiin danglamna lian tak a thlen tih a sawi.

JT STATEMENT OF POLITICAL PARTIES

Political Party pathum- ZPM, MNF leh BJP Mizoram chuan thuchhuah intawm siamin, Sairang-Bairabi Railway Line Prime Minister Narendra Modi-an a hawn tur chu Mizoram chanchina bung thar kaina tur a ni an ti a, Ramchhung hmun dang nena rel in a thlunzawm chuan Mizoram thanzelna turah kawng hrang hrangin a pui dawn a ni an ti.

Mipui tan pawh hna hmuhna tur anih dawn bakah, zin veivah a awlsamin nasa takin a tlawm zawh dawn an ti a, sumdawwna kawng pawh zau tak a inhawng dawn a ni an ti.

He hmalakna chhinchhiahtlak tak a taka chantirtu Central sorkar, state sorkar leh relkawng phah hna thawktu te fakawm an tih thu hi ziahlanin awm ngei se an duh tih an sawi a, he hun chhinchhiahtlak tak hi Mizo mipuite ta a ni a, mipuite inhawwna, puihna leh phurna hian he hun hi a thlen a ni a ti.

State hmasawwna relin a lo thlen tur hi Party pathum te chuan inlungual takin an lo hmuak a ni tih an thuchhuahah chuan an tarlang bawh.

Corr: Maremi

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

GST REFORMS

Sorkar laipuiin Goods and Services Tax (GST) a ti tlem chuan thil man leh khawsakphung a tihnam dawn a, mipui tan hmasawna leh awlsamna a thlen dawn niin mithiamten an sawi.

Akashvani Aizawl zawhna chhangin, Govt. Aizawl College-a Political Science Assistant Professor Dr C.Lalengkima chuan tunhnaia sorkar laipuiin GST a siamthatna chu US-in sumdawna kawnga India a hrekna lo doletna atana ruahmanna a ni a ti a, India atanga US-a bungraw thawncchhuah tam tak man an tih san tak avangin hralh rual a ni tawh lova, tualchhungah man tlawm zawka an hralh theih chuan mipui tam zawkin an lei thei ang a, chhiah a vir kual tam ang tih ngaihdan atanga lo chhuak niin a lang a ti a, sorkar chuan chhiah lak dan ennawnin, a tha ber tur a zawng ve zel tih sawiin, sorkarin GST a ti tlem chuan mipuite tan samkhaina tur leh awlsamna tam tak a thlen a, a neinung zawk leh sum neite tan chhiah an ti sang bawk chu thil tha tak nia a hriat thu sawiin, thil leitute chuan indirect in chhiah an pek thin avangin GST rate tihhniamna chuan thil man leh khawsakphung a tihnam dawn a ti a, thil man a tlawm chuan mipuiten thil lei an uar ang a, a siamchhuaktute pawh an hlawk dawn a, mipui tan hmasawna leh awlsamna a thlen dawn a, sorkar laipuiin uluk taka a zirchian hnuah mipuite sawt tlanna tura a hmalakna a nih avangin hmasawna tur leh hlawkpuina tur a awm ngei a rin thu a sawi a ni.

Byte: Dr C.Lalengkima

Dr C.Lalengkima chuan GST chu India rama chhiah lak dana bung thar kaina a ni tih sawiin, kum 2017 bawra GST dan an pass dawn khan sorkar laipui chuan India ram zalenna chan dawna August ni 14 zanlai inkhawm an neih ang deuh khan GST pawimawh tak pass tur hian zanlaiah inkhawm a neihpui a ti a, tunhma chuan chhiah lian zawng zawng chu sorkar laipuiin a lak vek thin avangin state sorkarin a chang ve ngai lova, GST-ah chuan state sorkar leh sorkar laipuiin chhiah an insem tak avangin abikin state tan hmasawna nasa tak a keng a, ram ei leh barah tam takin a chhawk, ram mipuiten hma an sawnpui hle a ni a ti.

Corr: Maremi
GST

Prime Minister Narendra Modia'n kumin Independence Day lawmnah GST chhuan thar hman a nih tur thu a puang a. Hei hi tun thla ni 3 a GST Council thukhawm chuan a taka rawn ti puitlingin chhiah lak dan chhawng li ni thin chu chhawng hnihah tittlemin awlsam zawkin a rawn siam danglam a. GST zaa 5, 12, 18 leh 28 a lak thin chu zaa 5 leh 18 ah tihhniam a ni a. Mi naran leh mi nawlpuite tana hlawkna thlen thei tur berin he GST hi siamrem a ni.

GST tharah hian mipui nitin bungraw mamawhahte chhiah lak a ni tawh dawn lo a. Zirlaite mamawh chi hrang hrang notebook, graph book,sharpener, pencil leh thildangahte chhiah awl a ni a, Ramchhunga mi naranten he chhiah lak dan thar hi an lawm hle a. Abik takin zirlaite chuan he chhiah lak dan thar hi lawmawm an ti hle a ni.

(Newsonair)

<><><>

PM

Prime Minister Narendra Modia chuan Gyan Bharatam Mission chu India hnam ziarang, thu leh hla leh ngaihtuahna puangchhuaktu pawimawh tak a ni a ti. Nimina International CONference on Gyan Bharatam, New Delhi-a neih a hmanpuinaah he thu hi sawiin Pu Modia chuan India chu khawvelah thuziak hlu tak tak vaibelchhe 1 chuang khawl thei a nih thu a sawi a. Hun kaltaah thuziak tam tak hi tihchhiat ni mahse tuna la vawnthat ho en hian min thlahtute khan hriatna, science leh ziran lam an ngaihhlut zia a tilang a ti bawk. PM Modia hian Gyan Bharatam Portal a hawng bawk a ni.

(Newsonair)

<><><>

NEPAL

Nepal Chief Justice hlui Sushila Karki chu Nepal sawrkar lailawk Prime Minister atan ruat a ni. Nepall ramchhungah eiruk dodalna avanga buaina nasa tak a chhuah hnuah PM KP Oli chuan a nihna a bansan a. Sawrkar lailawk din niin hmeichhe Prime Minister hmasa ber atan Sushila Karki hi ruat a ni a. Lungawilohna lantirty Gen-Z te leh President Ram Chandra Paudel leh Army Chief Ashok Raj Sigdel te an inbiak hnuah inremna hi siam a ni.Pi Karki hi Nepal hmeichhe CHief Justice hmasa ber niin kum 2016-2017 chhung khan he hna hi a chelh a ni.

(Newsonair)

<><><>